



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 36. Gallorum molimina de Turnonio Cardinale in Papam eligendo.

[urn:nbn:de:hbz:466:1-66800](#)

Sæcul. XVI. tionis nuper factæ memores esse jubebat, necnon illos summis precibus ad

A.C. 1559.

promissorum executionem urgebat: verum irrita erant illius molimina, quinimo ipse Pisanus Cardinalis, qui Coronarum Nepotem suum rerum experientia, agendi que ratione superabat, illum rogabat, ut a cæpto proposito desistret, nec quicquam ultra hac in re moveret, cum de prospero conatus sui exitu conclamatum esse cerneret.

§. XXXVI.

Gallorum molimina de Turnonio Cardinale in Papam eligendo.

Interim Galli Turnonium Cardinalem ad Pontificatum evehere totis viribus nitebantur. Hic ad sacra comitia iturus, tum in itinere constitutus erat, atque aliunde omnibus iis præfulgebat dotibus, quibus inter suos æquales certe primas tenere credebatur: id tamen unicum Gallorum consiliis obesse videbatur, quod Itali vererentur, ne is, ut pote natione Gallus Sancti Petri Cathedram rursus Avenionem transferret: hoc tamen ipsum obstaculum jam satis submoveri existimabant, si Turnonium ob raras animi sui prærogativas apud Franciæ Regem, a quo primus creabatur Minister, magnam nominis famam sibi conciliafse jactitarent. Enimvero

hæ

hæ ipsæ rationes tantopere Cardinali- **Sæcul. XVI.**
bus probabantur, ut Galli de viginti **A.C. 1559.**
quatuor Cardinalium suffragiis certi
essent, atque ex Cæfareis adhuc qua-
tuor, vel quinque accessuros sperarent,
si forte ad eam electionis normam, quæ
vulgo accessus appellatur, progredi oport-
eret: equidem tam secundum electio-
nis successum sibi pollicebantur Galli
tum ob propria Turnonii Cardinalis me-
rita omnibus nota, tum ob dexterita-
tem illorum, qui hoc negotium in ejus
favorem promovebant: quinimo firmum,
fixumque habebant, quod tunc, si forte
hac via consilii sui exitum obtinere non
possent, quinque alios Cardinales, qui
sua ferre suffragia polliciti sunt, ad
accessum sollicitare vellent, hacque ra-
tione felici successu frustrari haud ti-
merent: Attamen cum ex illis quinque,
qui antea suam eis fidem obstrinxerant,
primos quatuor ad hoc obsequii genus
minus promptos cernerent; sua Cæfa-
reis consilia manifestare minime aude-
bant, veriti, ne Turnonii Cardinalis
honorem in discrimen adducerent, quam
ob caussam rursus hoc negotium suo
caruit successu.

§. XXXVII.

*Ad Pontificatum adspirantium
nomina.*

Hist. Eccles. Tom. XLIII. X In-